

# Badminton Kalaallit Nunaat (BKN)-ip inatsisai

Badminton Kalaallit Nunaat (BKN)-ip inatsisai .....	1
§ 1 Aqqa angerlarsimaffialu .....	2
§ 2 Kattuffiup siunertaa .....	2
§ 3 Kattuffimmi suliassat .....	2
§ 4 Kattuffinnut allanut attaveqarneq .....	2
§ 5 Ilaasortat .....	2
§ 6 Inatsisit maleruagassallu .....	3
§ 7 Doping akiorniarlugu (Anti-doping) aalajangersakkat .....	3
§ 8 Pissartangorniunnernut taakkunanilu peqataanissamut akuersissutit .....	3
§ 9 Unamminerni maleruagassat .....	4
Aalajangersakkat nalinginnaasut .....	4
Inatsisinik unioqqutitsinerit il.il., pillaatit, ingerlatitseqqinnej akiliisinnajaunnaarnerlu .....	4
§ 10 Inatsisinik unioqqutitsinerit il.il. pillaatillu .....	4
§ 11 Ingerlatitseqqinnissamut periarfissat .....	4
§ 12 Akiliisinnajaunnaarneq il.il. ....	4
§ 13 Ukiup kaajallannera .....	5
BKN-imi sinniisoqarfik .....	5
§ 14 Katitigaanera qinersinerillu .....	5
§ 15 Sinniisoqarfiup ataatsimiinnera .....	6
Siulersuisut .....	7
§ 16 Qinersinerit katitigaanerilu .....	7
Allaffeqarfik ataatsimiitaliallu .....	8
§ 17 BKN-ip allaffeqarfia .....	8
§ 18 Aalajangersimasumik ataatsimiitaliat allat .....	8
§ 19 Naatsorsuutit kukkunersiuinerlu .....	8
§ 20 Amatør- og ordensudvalg-ip katitigaanera suliassaalu .....	9
Immikkut aalajangersakkat .....	9
§ 21 Kattuffiup atorunnaarsinnera .....	9
§ 22 BKN-ip atorunnaarsinnerani aningasat uninngasuutitat .....	10

## § 1 Aqqa angerlarsimaffialu

Kattuffiup aqqa tassaavoq Badminton Kalaallit Nunaat (BKN). Angerlarsimaffia tassaavoq Kalaallit Nunaat.

## § 2 Kattuffiup siunertaa

Klub-it inissisimaffinni tamaneersut sapinngisamik amerlanerpaat aallartisarnissaat kiisalu badminton-ertarnerup iluani inuit ataasiakkaat ineriertorsinnaanissaasa qulakkeerneqarnissaa.

## § 3 Kattuffimmi suliassat

Kalaallit Nunaanni badminton-ertarnerup iluani BKN suliamut atatillugu allaffissornikkullu oqartussaasutut makkuninnga pisussaaffeqarpooq:

**Suleqatigiiffittut:** Kattuffimmi ilaasortaaasut akornanni timersornikkut allaffissornikkullu suleqatigiinnissaq siunertaralugu suliniateqarneq.

**Soqutigisaqaqtigiiit suleqatigiiffiattut:** Timersortartut kattuffiinut allanut, ilaatigut GIF-mut, nunami oqartussaasunut nunanilu allani kattuffiinut ataatsimoortumik oqaaseqartartussaaneq ilaasortallu nalginneraasumik soqutigisaannik saqqummiussisarneq.

**Sinaakkutassat:** Badminton pillugu inatsisink maleruagassanillu aalajangersaanerit; badminton-imik timersornermi inatsisit maleruagassallu atuuttut malinneqarnissaannik qulakkiineq, qulalik iluani qanoq paasinninnerit pituttuisut pillugit saqqummiussisarneq.

**Paasisitsiniaanerit:** Badminton-imik timersornerup ineriertornera angusallu pillugit tusagassiorfinnik, innuttaasunik badminton-imillu soqutiginnittut akornanni paasisitsiniaasarnissap qulakkeerneqarnissa.

**Pissartanngorniunnerit:** Inissisimanerit tamaasa ilangullugit pissartanngorniunnernik periarfissiinerni ineriertortsinissaq, akuersisarnissaq ingerlatsisarnerlu, tassungalu ilaapput Kalaallit Nunaanni Pissartanngorniunnerit/Kattuffiup iluani pissartanngorniunnerit.

**Hold-it akornanni pissartanngorniunnerit:** Kattuffik hold-it akornanni pissartanngorniunnernik ingerlatsisinhaavoq.

**Siammasissumik neqerooruteqartarneq:** Badminton-imik timersornermi ilaasortanut tamanut suliniateqarnissanik neqeroorutinik ineriertortsineq qulakkeerninnerlu.

**Pikkorissarneq:** Siuttusunik, sungiusaasunik dommer-inillu pikkorissaanernik ingerlatsinissaq. **Unammisartunik pikkorivissunik ineriertortsineq:** Kalaallit Nunaanni badminton-ip nunani tamalaani qaffasissumik inissisimanissa qulakkeerniarlugu unammisartunik nunarsuaq tamakkerlugu unammilleqataasinjaasunik sungiusaaneq/ineriertortsineq.

**Aaqqissuussinerit:** Kalaallit Nunaanni nunanilu tamalaani timersornermiik tusagassiorermillu sammisaqartut akornanni badminton-imik timersornerup inissisimanera takussaaneralu qulakkeerniarlugit badminton qitiutillugu aqqissuussisarnerit.

## § 4 Kattuffiinut allanut attaveqarneq

- Imm. 1 BKN badminton aallullugu immikkut kattuffittut Kalaallit Nunaanni Timersoqatigiiit Kattuffiinut ilaasortaavoq. Saniatiagut BKN "Badminton World Federation"-imi ilaasortaavoq.
- Imm. 2 BKN-imi ilaasortat qitiusumik kattuffiit taaneqartut inatsisaat malerugassiaallu malittussaavaat.

## § 5 Ilaasortat

- Imm. 1 BKN-imi ilaasortat tassaapput nunap immikkoortuini klub-it ataani taaneqartut taakkunani iluasortat.
- Imm. 2 Kreds-it "BKN"-imiik normuminillu taaguuteqartinnejarpuit.
- Imm. 3 Imm. 1 najoqqutaralugu kreds-ip klub-it tassanilu ilaasortat nunap immikkoortuani aalajangersimasumi inissisimasut sinniisuufigai. Kreds-it nunap immikkoortuani najugaqarfimminttu klub-it ilaasortanngortissinnaavaat. Nalorninartoqartillugu BKN-ip siulersuisi aalajangiisussaatitaapput.

- Imm. 4 Nuna tamakkerlugu nunap immikkoortuinut agguataarnerit allanngortineqassappata BKN-ip sinnisoqarfia aalajangiisussaatitaavoq.
- Imm. 5 Ilanngullugu ilaasortat attuumassuteqartut, soorlu peqatigiiffit kalaallinik unammeqataasartunik ilaasortaqaartut, sinnisoqarfimmit ilaasortanngortineqarsinnaapput. Peqatigiiffit taamaattut inatsisai BKN-ip sinnisoqarfiani akuerisassaapput.
- Imm. 6 Badmintonklub-it ataasiakkaat aamma klub-it/immikkoortortat peqatigiiffittut suleqatigiiffimmut ilaasortangortut kattuffimmi ilaasortatut akuerineqarsinnaapput. Klub-ip/immikkoortortap ilaasortangornerani badmintonklub-imi/peqatigiiffittut suleqatigiiffimmi badminton-ertartut tamarmik kattuffimmi ilaasortatut nalunaarsorneqassapput.
- Imm. 7 Ilaasortaanermut atatillugu pisinnaatitaaffiit pisussaafiillu pillugit maleruagassat, ilaatigut ilaasortaanermut akiliutissaq sinnisoqarfimmit aalajangerneqassapput, Ilaasortanut Maleruagassat najoqqutaralugit.

## § 6 Inatsisit maleruagassallu

- Imm. 1 BKN-ip inatsisai, amatør-inut maleruagassat maleruagassallu allat kreds-inut, klub-inut taakkunani lu ilaasortanut ingerlaannaq atuutilertarput, taamatullu badminton-imik pissartanngorniunnerni, klub-inik nutaanik pilersitsinernut atatillugu inatsisiornerni, ilitsersuisunut/sungiusaanut, dommer-inut il.il. BKN-ip maleruagassiai aalajangiunneqarsimasut tamatigut malinneqartussaallutik.
- Imm. 2 BKN-ip inatsisaannut allannguutit taamaallaat sinnisoqarfimmi ataatsimiinnerni akuerineqarsinnaapput. Taasinerni maleruagassat pillugit § 15, imm. 7 takuneqarsinnaavoq.
- Imm. 3 Klub-it inatsisaat taakkunani lu allannguutit akuerissannangorlugit kattuffimmut nassiuunneqartassapput. Klub-it BKN-ip siulersuisuunut akisussaaffeqarnertik naapertorlugu inatsisit pineqartut GIF-ip BKN-illu inatsisaannut naleqquutuunissaat qulakkiissavaat. Klub-it inatsisitik taakkunani lu allannguutit GIF-imut ingerlateeqqittassavaat.

## § 7 Doping akiorniarlugu (Anti-doping) aalajangersakkat

Ilaasortat tamarmik BWF-ip GIF-illu doping pillugu aalajangersagaat malitassaraat.

## § 8 Pissartanngorniunnernit taakkunani lu peqataanissamut akuersissutit

- Imm. 1 Kalaallit Nunaanni badminton-imik pissartanngorniunnerit/aaqqissuussat makkuusut BKN-ip ilaasortat sinnerlugit nakkutigalugillu akuerisinnaavaat:
- Nunat tamalaat akornanni pissartanngorniunnerit BWF-ip "General Competition Regulation"-iani erseqqissarneqarsimasut
  - Nunanut allanut unamminerit
  - Nunarpot sinnerlugu unamminerit
  - Kalaallit Nunaanni pissartanngorniunnerit
  - Kattuffiup iluani pissartanngorniunnerit
  - Hold-it akunnerminni pissartanngorniunnerit
  - Pissartanngorniunnerit klub-init iml. kreds-init aaqqissugaasut, klub-inillu marlunnik amerlanerusunilluunniit peqataaffigineqartut (Immikkut Pissartanngorniunnerit pillugit Maleruagassat takukkit)
- Imm. 2 Imm. 1-imi allassimasutut kreds-it klub-illu pissartanngorniunnernik/aaqqissuussinernik ingerlatsilersinnatik BKN ilisimatissavaat. Pilersaarutigineqartoq akuerineqanngippat kreds-i iml. klub-i sunik tunngavigisaqarluni itigartitsisoqarnersoq paasiniarlugu saaffiginnisinnaavoq.
- Imm. 3 BKN-imi ilaasortat sioqqutsisumik BKN-imit akuersissumik peqqaaratik pissartanngorniunnerni aaqqissuussinernilu BKN-iungnitsumit aaqqissorneqarsimasuni peqataasinnaanngillat.
- Imm. 4 BKN-imi ilaasortat BKN-imit akuersissumik peqqaaratik nunani allani pissartanngorniunnerni aaqqissuussinernilu peqataasinnaanngillat.

## § 9 Unamminerni maleruagassat

- Imm. 1 BKN-imi ilaasortanut unamminerni maleruagassat Badminton World Federation-imi atuutsinnejartut tamatigut atuupput.
- Imm. 2 BKN unamminermut maleruagassat iluanni immikkut ittumik pisoqartillugu immikkut akuersisinnaavoq.
- Imm. 3 Unamminermi maleruagassat allannguiteqarnerinik allannguutillu qaugu atuutilernissannik BKN klub-inut nalunaaruteqartartussaavoq.

## Aalajangersakkat nalinginnaasut

Inatsisinik unioqqutitsinerit il.il., pillaatit, ingerlatitseqqinneq Akiliisinnaajunnaarnerlu

## § 10 Inatsisinik unioqqutitsinerit il.il. pillatillu

- Imm. 1 BKN-ip iluani kreds-it, klub-it iml. inuit ataasiakkaat makkunatigut unioqqutitsisimappata:
  - a inatsisinik maleruagassanillu unioqqutitsineq,
  - b pisussanut /aaqqissuussinernut pisussaaffigineqartunut takkutinngitsoorneq,
  - c pissartangorniunnerit nalaanni kanngunartuliorneq,
  - d nunami maani nunaniluunniit allani iliuutsit BKN-ip isigineqarneranut ajoquaasut,
  - e Isumaqatigiissutinik atsioqatigiiffiusimasanik unioqqutitsineq, BKN-ip siulersuisui makku arlaannik iliuuseqarsinnaavoq:
    - 1 avoqqaarlernermik iml. mianersoqqusummik nalunaaruteqarneq,
    - 2 pissartangorniunnerni aalajangersimasuni peqataajunnaarsitsineq,
    - 3 akiliisitsineq,
    - 4 piffissami aalajangersimasumi allajangersimanngitsumiluunniit pissartangorniunnerni iml. siuttutut sulinermi peqataajunaaqqusineq,
    - 5 kreds-imit klub-imilliunniit soraarsitsinissamik qinnuteqarneq. Aatsaat ullormut oqaluuserisassanut ilanngunneqarsimatillugu, taasisinnaasullu najuuttut pingajorarterutai marluk siunnersummut akuersippata kreds-imit klub-imilliunnit soraarsitsineq sinniisoqarfimmit aalajangiiffiqeqarsinnaavoq,
- Imm. 2 Klub-it iml. klub-ini ilaasortat unioqqutitsineri pillugit suliassat nalunaarutiginissaat BKN-imi siulersuisunit piumaasaqaatigineqarsinnaavoq,
- Imm. 3 klub-it klub-inilu ilaasortat unioqqutitsineri pillugit suliassat kreds-init klub-inillu BKN-ip siulersuisuinut ingerlateqqinnejqarsinnaapput.

## § 11 ingerlatitseqqinnissamut periarfissat

- Imm. 1 Kreds-it iml. klub-it kreds-inik, klub-inik iml. klub-it ilaasortaannik ilaatitaajunnaarsinernik aalajangiinerat kreds-it iml. klub-it aqqutigalugit BKN-ip siulersuisuinut ingerlateqqinnejqarsinnaapput.
- Imm. 2 Kreds-it iml. klub-it aalajangiineri pineqartumut nalunaarutigineqarnerisa kingorna qaammat ataasedq qaangiutsinnagu BKN-ip siulersuisunut ingerlateqqinnejqarsinnaapput. Suliassaq Gif-imut ingerlateqqinnejqarsinnaavoq.

## § 12 Akiliisinnaajunnaarneq il.il.

- Imm. 1 Suleqatigiiffik BKN-imi ilaasortaasoq akiliisinnaajunnaarluni nalunaaruteqarpat BKN-ip iluani pisinnaatitaanermik arsaarneqassaaq. Gif-ip inatsisaanni § 3 najoqqutaralugu oqaaseq suleqatigiiffik ima paasineqassaaq klub-it, klub-it

- immikkoortui, klub-imi hold-it unammisartut arlaat iml. ingerlatsiviit klub-inik iml. klub-ini hold-it unammisartuinik arlaannik sulegateqartoq.
- Imm. 2 Nalornissutigineqartut BKN-ip siulersuisuinit aalajangiiffingeqassapput.

### **§ 13 Ukiup kaajallanner**

Kattuffiup badminton-imik ingerlatsinera piffissami 1. juli – 30. juni ingerlasuuvoq.

## BKN-imi sinnisoqarfik

### **§ 14 Katitigaanera qinersinerillu**

- Imm. 1 Sinnisoqarfik tassaavoq kattuffiup quillersaqarfia.

- Imm. 2 Sinnisoqarfik ima katitigaavooq:

- § 16 najoqqutaralugu kattuffiup siulersuisui,
- Kiisalu klub-it tamarmik sinnisaat.

Taaneqartut sinnisoqarfiup ataatsimiinerani oqaaseqarsinnaatitaallutilu taaseqataasinnaatitaapput. Ilaasortanulli maleruagassani § 5, imm. 7 najoqqutaralugu klub-it sinnisaat klub-ip ilaasortaanermut akiliut aatsaat piffissaq eqqorlugu akilersimappagu taaseqataasinnaatitaapput, Sinnisut taasisinnaanerisa annertussusia klub-it ilaasortaasa nalunaarsorneqarsimasut qassiunerinik aalajangerneqartarpooq, kisitsisillu ukiut tamaasa 1. oktober BKN-imut GIF-imullu nalunaarutigineqareersimasassapput, imaappullu:

Ilaasortat: Taasisinnaanerup annertussusia:

1	-	50	1
51	-	100	2
101	-	150	3
151	-	200	4
201	-	250	5
251	-	300	6

300 sinn 7

- Imm. 3 BKN-mi atorfillit BKN-ip sinnisoqarfiata ataatsimiinnerani aallartitatut ataatsimeeqataasinnaanngillat.

- Imm. 4 Sinnisoqarfik makkuninnga suliassaqarpoq:

- 1 Aalajangersuiffissat
  - timersornermi ataatsimut politikki siunertaasoq
  - iliusissat avammullu kiinnernissaq
- 2 Aalajangigassat
  - kattuffiup inatsisaani allannguittissat ilaasortanullu maleruagassat
- 3 Akuerisassat
  - naatsorsuutit ilaasortaanermilu akiliutissat

- Imm. 5 Sinnisoqarfimmit qinerneqartussat:
  - § 16, imm. 1 amma 2 najoqqutaralugit siulersuisuni ilaasortassat, Kukkunersiuusut.

- Imm. 6 Ataatsimiinneq sioqqullugu BKN-imut allakkatigut qinigaanissaminut piareersimallutik nalunaarsimagunik inissisimaffinnut qineequsaarniartut siinnisoqarfiup ataatsimiinerani najuuttariaqannngillat.

- Imm. 7 Klub-imi BKN-ip iluaniittumi ilaasortaasoq kinaluunniit qinigassanngortissinnaavoq. Qinigaaffik ataasiinnaaq inissiffigineqarsinnaavoq.

- Imm. 8 Taaseqataasinnaanatik oqaaseqarsinnaatitaallutili alaatsinaatsutut peqataasinnasut:
  - Klub-it sinnisaat inuit pingasut.
  - Amatør- og ordensudvalg-imi BKN-ip ilaasortaatitai aamma kattuffiup iluani kukkunersiuusut sinnisaallu.

- Nunanut allanut unammisartunut sungiusaasoq, inatsisileritooq BKN-ip suleqatigisaa kiisalu kukkunersiusoq BKN-ip suleqatigisaa.

## §15 Sinniisoqarfiup ataatsimiinnerra

- Imm. 1 Sinniisoqarfimmi ukiumut ataasiarluni naliginnaasumik ataatsimiittoqartarpoq. Ataatsimiinneq siulersuisut aalajangiinerisigut Kalaallit Nunaani pissartangorniunnermut iml. kattuffimmi pissartangorniunnermut atatillugu ingerlanneqartarpoq.
- Imm. 2 Ataatsimiinnissaq minnerpaamik qaammatit marluk sioqqullugu siulersuisut klubinut nalunaarutigissavaat. Nalunaaruteqarnermi oqaluuserisassaagallartut makkuninnga ilaqqassapput:
1. Sinnisut akuerineqarnerat
  2. Aqutsisussamik qinersineq
  3. Nalunaarutit naliginnaasumillu oqallinnerit:
    - 1 BKN-ip ingerlasimaneranik nalunaarut
    - 2 Kattuffiup inissisimanera siunissaalu. Immikkut sammisaqarluni oqallitoqarsinnaavoq
  4. Naatsorsuutit missingersuutilu:
    - 1 Naatsorsuutit kukkunersiukkan saqqummiunneri akuerineqarnerilu
    - 2 Inatsimmi § 5, imm. 7 najoqqutaralugu missingersuutinut siunnersuutip saqqummiunneqarnera, ukiumut akiliutissat aalajangiiffigineqarneri ilanngullugit.
  5. Siunnersuutit tiguneqarsimasut oqaluuserineqarneri
  6. § 17 najoqqutaralugu siulersuisunut qinersineq:
    - 1 Siulittaasumik qinersineq
    - 2 Aningaaserisumik qinersineq
    - 3 Siulersuisuni ilaasortanik pingasunik qinersineq
    - 4 Sinniisussamik ataatsimik qinersineq
  7. Ataatsimiitidianut aalajangersimasunut qinersineq:
    - 1 Amatør- og ordensudvalg-ip siulittaasussaanik qinersineq
    - 2 Ilaasortanik marlunniq qinersineq
    - 3 Sinniisussamik ataatsimik qinersineq
  8. Kukkunersiuisumik qinersineq:
    - 1 Kukkunersiuisumik ataatsimik qinersineq
    - 2 Kukkunersiuisup sinnisaanik qinersineq
  9. Oqaatigumasat allat

Imm. 6 pill.:

Siulersuisuni ilaasortat ukiuni marlunni ilaasortassatut qinerneqartarput. Ukiut allortarlugit siulersuisuni ilaasortat marluk qinerneqartarput (siulittaasoq siulersuisunilu ilaasortaq ataaseq). Ukiut allortarlugit siulersuisuni ilaasortat pingasut qinerneqartarput (aningaaserisoq siulersuisunilu ilaasortat marluk). Sinniisussat ukioq ataaseq ilaasortassatut qinerneqartarput.

- Imm. 3 Klub-it aallartitartik taaseqataasinnaasoq kinaanersoq kingusinnerpaamik ataatsimiinnerup aallartinnerani nalunaarutigissavaat.
- Imm. 4 Siunnersuutit sinniisoqarfiup ataatsimiinnerani oqaluusereqquneqartut ataatsimiinnissaq sapaatip akunneri sisamat sioqqullugu nassiutereerneqarsimassapput BKN-imilu tigoreerneqarsimassallutik. Ullormut oqaluuserisassat tamakkiisut ataatsimiinnissaq sapaatip akunneri marluk sioqqullugu nassiuunneqassapput, naatsorsuutillu kukkunersiukkan, siulersuisut missingersuutinut siunnersuutaat kiisalu siunnersuutit tiguneqarsimasut ilanngunneqassallutik.
- Imm. 5 Ullormut oqaluuserisassani immikkoortut siullit marluk siulittaasumit ingerlanneqassapput.

- Imm. 6 Ataatsimiinnermi aqutsisussaq sinniisoqarfimmit qinerneqassaaq. Aqutsisussaq BKN-ip siulersuisuni ilaasortaasinnaanngilaq. Oqaluuserissat taassisutigisassallu pillugit apeqqutit tamarmik aqutsisumit aalajangiiffigineqassapput, taamaattorli ataatsimeeqataasut najuuttut akornanni minnerpaamik ataatsimit allakkatigut isertortumik taasisitsinissaq kissaatigineqarpat tamanna ingerlanneqassaaq.
- Imm. 7 Aalajangigassat amerlanerussuteqarnikkut aalajangerneqartarpus, taamaattorli inatsisit taakkunani lu allannguutissat akuerineqassappata taasinerit pingajorarterutai marluk minnerpaamik pisariaqartitaapput. Kattuffiup atorunnaarsinnissaq pillugu taasisoqarnermut §20 innersuutigineqarpoq.
- Imm. 8 § 14, imm. 2 najoqqutaralugu taasisinnaallutik ataatsimeeqataasut ataasiinnarmik naleqarput, taasisinnaanermullu piginnaatitaaneq nammineq najuunnikkut atorneqarsinnaavoq.
- Imm. 9 Ataatsimiinneq imaqarniliorneqassaaq, imaqaniliarlu siulittaasumit, aqutsisumit allattaasumillu atsorneqassalluni.
- Imm.10 Siulersuisut pisariaqartippassuk sinnisoqarfik immikkut ittumik ataatsimiigiaqquneqarsinnaavoq, iml. minnerpaamik klub-it sisamat tamanna pisariaqartillugu tunngavilersukkanik allagaqarnikkut piumasaqaat siulersuisunut nassiuppassuk. Ataatsimiigiaqqusineq piumasaqarnerup kingorna kingusinnerpaamik ullut 14-it ingerlanerini pissaaq, ataatsimiinerullu aqunneqarnera, taasinerit il.il. pillugit aalajangersakkat nalginnasumik ataatsimiinnerni atuuttut malinneqassapput. Ullormut oqaluuserisassat imarisassaat taassaassapput immikkoortut ataatsimiigiaqqusinermut tunngavigisat kiisalu immikkoortut siulersuisut ataatsimiinnermi saqqummiukkumasaat.
- Imm.11 Klub-it sinnisaasa siulersuisunilu ilaasortat angalanerinut inissaqarnerinullu aningaasartuutit siulersuisut aalajangigaat naapertorlugit BKN-imit akilerneqassapput.

## Siulersuisut

### § 16 Qinersinerit katitigaanerilu

- Imm. 1 Siulersuisut tallimanik ilaasortaqarput, taakkulu sinniisoqarfimmit qinerneqartarpus.
- Imm. 2 Siulersuisuni ilaasortaq sinniisoqarfimmit qinigaasimasoq sinniisoqarfiup ataatsimiinerisa marluk akunnerini tunuarpat, siulersuisut namminneq ilassaminnik toqqaassapput. Toqcarneqartup § 14, imm. 7 naapertorlugu piumasarineqartoq naammassisinnaassavaa, taamatullu sinniisoqarfiup tulliani ataatsimiinnissaata tungaanut tamakkilisumik siulersuisuni ilaasortaassalluni.
- Imm. 3 Siulersuisut makkunatigut akisussaaput:
- 1 Missingersuutit naatsorsuutilu, tassungalu atatillugu naatsorsuusiornermut ileqquusut maleruagassallu akuerinissaat.
  - 2 Suliassanik pilersaarutit pillugit siunnersuutinik akuersinissat.
  - 3 § 18 najoqqutaralugu ataatsimiitaliat aalajangersimasut pisinnaatitaaffiinik akisussaaffiinillu akuerinissaq.
  - 4 Kattuffiup timersornikkut politikkini naapertorlugu kiinnernissaa iliuusissallu.
  - 5 Maleruagassani allannguutissanik akuersinissat, tassungalu ilanngullugit:
    - A Inissimanermi tulleriirnermut maleruagassat.
    - B Pissartangorniunnerit ataasiakkaat pillugit pissartsartangorniunnerni maleruagassat.
    - C Nuna tamakkerlugu BKN-ip aaqqissugaanik pissartangorniunnernut maleruagassat.
    - D BKN-imi ilaasortaanermut maleruagassat.
  - 6 Akuerisassat:
    - A BKN-ip aningaasanik tapersersorteqarnikkut politikkia, tassungalu atatillugu tapersersortinik isumaqtigisiutinik pingarernik akuersinerit.
    - B Aningaasanik tapersortinut BKN-ip pisinnaatitaaffiinik tunniussinerit.

- Imm. 4 Ataatsimiittarnerit:  
Piffissani siulersuisunit aalajangerneqartuni siulersuisut ukiumut minnerpaamik sisamariarlutik ataatsimiittarput. Saniatigut siulittaasup pisariaqartippagu, iml. siulersuisuni ilaasortat minnerpaamik pingasut allakkatigut pumasarippassuk ataatsimiittassapput. Taamatut piumasaqarluni saaffiginninneq siulittaasumut ingerlanneqassaaq, taassumalu ullut arfineq pingasut ingerlanerini ataatsimiigiaqqusinissaq isumagissavaa.
- Imm. 5 Ataatsimiinnernut qaaqqusinerit ullut arfineq pingasut sioqquullugu kaleriutigineqassapput, ullormullu oqaluuserisassat ilangunneqassallutik. Ataatsimeeqataasut qassiugaluarpatluunniit siulersuisuni ataatsimiinnermi aalajangiisoqarsinnaavoq.
- Imm. 6 Siulersuisut suleriaasissartik nammineerlutik aalajangissavaat, siulersuisullu ataatsimiinneri imaqarniliorneqartassapput, imaqarniliarlu ataatsimiinnerup kingorna piaarnerpaamik siulersuisuni ilaasortanut nassiunneqartassaaq.
- Imm. 7 Siulersuisut suliassaminnik naammassinninnissaq siunertaralugu ataatsimiititaliorlutillu apeqqutinik aalajangersunik saammisaqartussanik suleqatigiissitaliorsinnaapput.
- Imm. 8 Siulersuisuni aalajangikkat BKN-ip amatør- og ordensudvalg-ianut naammagitaalliutigineqarsinnaapput.

## Allaffeqarfik ataatsimiititaliallu

### § 17 BKN-ip allaffeqarfia

- Imm. 1 Kattuffimmi ulluinnarni ingerlatsineq siulersuisunit isumagineqassaaq suliassallu ataqtigijissarneqassallutik.
- Imm. 2 Pisariaqartinneratigut siulersuisut aningaasarsiaqartumik ikiortissaminnik atorfinitssisinsinnaapput.

### § 18 Aalajangersimasumik ataatsimiititaliat allat

- Imm. 1 Sinniisoqarfimmi ataatsimiititaliani ukunani ilaasortassat qinerneqassapput: Amatør- og ordensudvalgi
- Imm. 2 Qinersinerit/toqqaanerit ukiuni marlunni atutissapput, ataatsimiititaliallu sulinera piffissami 1. juli – 30. juni ingerlassallu.
- Imm. 3 § 16, imm. 5,3 najoqqutaralugu.ataatsimiititaliap pisinnaatitaaffii akisussaaffiilu siulersuunit aalajangerneqartarput.

### § 19 Naatsorsuutit kukkunersiuinerlu

- Imm. 1 Kattuffimmi naatsorsuutinut ukioq tassaavoq 1. januar – 31. december.
- Imm. 2 Ulluinnarni naatsorsuuserineq BKN-ip allaffeqarfianit isumagineqassaaq, missingersuutillu aqunneqarnissaat siunertaralugu qaammatikkaartumik naatsorsuutinik naammassinnittooqartassaaq.
- Imm. 3 Siulersuisut akuersinerigut siulersuisut ukiumut naatsorsuutinik kukkunersiuinernillu isumaginnittussanik kukkunersiuisunik naalagaaffimmit akuersaaasunik iml. kukkunersiuisutut allagartalinik suleqatissarsiorsinnaapput. Kukkunersiuinermut atatillugu allattukkat suliarineqarsimasut atsiorsimasullu naatsorsuutinut ilangullugit siulersuisunut saqqummiunneqartassapput.
- Imm. 4 Naatsorsuutit naatsorsuinermut ileqqusut/maleruagassat malillugit suliarineqarsimasut kingusinnerpaamik januarip naanerani kukkunersiuisunut tunniunneqassapput, taakkulu naatsorsuutit kukkunersioreerlugit tiguneqarsimanerisa kingorna kingusinnerpaamik qaammatip ataatsip qaangiunnerani utertissavaat.
- Imm. 5 Sinniisoqarfimmi naliginnaasumik ataatsimiinnissaq ullut 14-t sioqquullugit naatsorsuutit missingersuutillu klub-inut oqaaseqarfisassangorlugit nassiunneqartassapput.

- Imm. 6 Sinniisoqarfíup ataatsimiinnissaani tulliuttumi siullermi aalajangigassat pingaarnerusut sivisunerusumilluunniit pisussaaffiliisut akuerineqassapput.
- Imm. 7 Naatsorsuutit kukkunersuisullu oqaaseqaataat ilanngullugu sinniisoqarfímmi akuerisassanngorlugit saqqummiunneqassapput.

## § 20 Amatør- og ordensudvalg-ip katitigaanera suliassaalu

### Katitigaanera:

- Imm. 1 Siulittaasoq, ilaasortat marluk sinniisussarlu sinniisoqarfímmi qinerneqassapput.
- Imm. 2 Ilaasortaasoq ataatsimeeqataasinnaanngippat iml. allamik peqquqteqarluni suliassami pineqartumi nalileeeqataanissamut peqataatinneqarsinnaanngippat siulittaasup aalajangiineratigut sinniisussaq ataatsimiitaliamut ilaasortatut invertinneqassaaq.
- Imm. 3 BKN-ip sinniisoqarfíani ataatsimiinnerni ataatsimiitaliamí ilaasortat oqaaseqarsinnaatitaapput, taaseqataasinnaanatilli.

### Suliassat:

- Imm. 1 §§ 3, 4, 5, 6, 7, 8 aamma 9 najoqqutaralugit amatør- og ordensudvalg-imi aalajangersakkat soraarsitsinermullu aalajangersakkat pillugit amatør- og ordensudvalgi qullersatut aalangiisussaatitaavoq, tassungalu ilanngullugit kattuffiup iluani avammulluunniit pissusilersornikkut timersortartorpalaanngitsumik akuerineqarsinnaanngitsumillu pissusilersornikkut, soorlu ilaminut ilumoortuunngitsumik, tulluunngitsumik iml. kissaatiginanngitsumik pissusilersornerit isiginiarneqassallutik.
- Imm. 2 Taama aalajangiisoqarnissaq illuatungeriinnit kissaatigineqarpát aammalu taamatut aalajangiinissaq ataatsimiitaliamit pisariaqarsorinarpát amatør- og ordensudvalgi isumaqatigiisssitsiniarnikkut eqqartuussivittut klub-it akornanni BKNillu iluani suleqataasut akornanni isumaqatigiinnginnerit tamaasa aalajangiiffigisussavaai.
- Imm. 3 Amatør- og ordensudvalg-imi siulittaasoq allakkatigut ataatsimiigiaqqusisussaavoq, suliassallu piaarnerpaamik ingerlanneqarnissaannut akisussaaffeqarluni.
- Imm. 4 Ataatsimiitaliamut suliaritinniakkat kattuffik aqqutigalugu, ajornannngippallu klub-it aqqutigalugit, allaganngorlugit nassiunneqartassapput, taamatullu illuatungeriit iml. allat suliassamut soqutiginaateqartunik saqqummiusserusussinnaasut ataatsimiitaliamit toqqaannartumik attavigineqarsinnaassapput. Illuatungeriit suliassamut atatillugu pingaaruteqartunik saqqummiusisinneqannginnerini iml. nammineerluni ornigunnikkut ataatsimiitaliamik ataatsimeeqatigiitoqartinnagu suliassaq pineqartoq aalajangiiffigineqarsinnaanngilaq. Ornigulluni nammineq saqqummiüssiumagaanni nammineq aningaasartutigineqassaaq, aammalu ataatsimiitaliap piffissaliineratigut piffissami aalajangersimasumi sinniisoqarnikkut ingerlanneqarsinnaalluni.
- Imm. 5 Minnerpaamik ilaasortat marluk najuunnerisigut ataatsimiitaliaq aalajangiisinaassuseqarpoq.
- Imm. 6 Aalajangiinerit nalunaarutigineqarnerisa kingorna sapaatip akunneri sisamat qaangiutsinnagit ataatsimiitaliap aalajangigai illuatungeriinnit iml. kattuffimmit GIF-ip amatør- og ordensudvalg-ianut naammagittaallutiqineqarsinnaapput.

## Immikkut aalajangersakkat

### § 21 Kattuffiup atorunnaarsinna

Badminton Kalaallit Nunaat atorunnaarsinniarlugu siunnersuutit taamaallaat sinniisoqarfímmi immikkut ittumik ataatsimiittoqarnerani oqaluuserineqarsinnaapput, tassanilu atorunnaarsitsinissaq ullormut oqaluuserisassani immikkoortutuaassaaq.

BKN-ip sinniisoqarfíani ilaasortat minnerpaamik pingajorarterutai marluk (2/3) najuutissapput, siunnersuutigineqartorlu akuerineqassappat taasisut 5/6-ii akuersissallutik. Naammattumik

ilaasortanik najuuttoqanngippat kingusinnerpaamik sapaatip akunneri arfineq pingasut qaangiunnerini kingumut sinniisoqarfimmi ataatsimiittoqaqqissaaq. Taamatut ataatsimiinnermut qaaqqusineq minnerpaamik ullut 14-anit sioqqullugu kalerrunneqassaaq. Ataatsimiinnermi taasisinnaallutik najuuttut qassiugaluarpataluunniit atorunnaarsitsinissaq aalajangiunneqarsinnaavoq, taamaattorli aatsaat taasisinnaasut 5/6-iisa akuersaarpassuk.

**§ 22 BKN-ip atorunnaarsinnerani aningaasat uninngasuutitat**

Katuffik atorunnaarsinnejassappat kattuffillu aningaasanik uninngasuutitaqassappat taakku nunatsinni siunissami timersornermut atugassanngortillugit GIF-imut tutsinnejassapput, tassanilu badminton pingaartinneqassalluni. Aningaasat qanoq atorneqarnissaannik aalajangiineq § 21-imi taaneqartumi sinniisoqarfiiup ataatsimiinnerani pissaaq.

BKN-ip sinniisoqarfiani ulloq 16.04.2011 Nuuk-mi immikkut ittumik ataatsimiinnermi aalajangerneqarput.

| Nutarterneqarput Ilulissani 28. marts 2013 BKN-ip naliginnaasumik ataatsimeersuarnerani